

MOBALI
NA MOLIMO
MPE
LIBOTA NA YE



MOBALI NA MOLIMO
MPE
LIBOTA NA YE

Une traduction d'un article du livre,
"Is There a Man in the House?"
publié par VICTOR BOOKS, Wheaton,
Illinois.

1978. SP Publications.

Redacteur--Charles F. Stanley.

Traduit par Ann Falconer, avec per-
mission.

Distribué par:

Ministères pour Chaque Enfant

mamalorella@yahoo.com

MOBALI NA MOLIMO MPE LIBOTA NA YE

Soko mobali alingi ete libala na ye mpe libota na ye ibonga, esengi eloko moko: Ekoki na mobali yango kozala mobali na Molimo. Nzambe azali na mwango kitoko mpo na bandimi yonso. Kasi soko mobali azali kobila Molimo Mosanto te, bomoi na ye elongo na mwasi na ye mpe bana na ye ekozanga mwango kitoko na Nzambe.

Mobali na Molimo azali na motindo nini? Totala makambo 7 makosunga mobali kokola na Molimo mpe kokamba libota na ye:

1. Ekoki na mobali yango kobotama mbala na mibale. Oyo likambo na liboso. Soko ye akobonga na molimo na ye mpe kati na bomoi na ye elongo na libota na ye, ekoki ete atiya kondima na ye na kati na Yesu Klisto. Mbala mosusu mobali azali na bolingo mingi

mpo na libota na ye, kasi akoki kokamba libota na ye na makambo na Molimo te kino andimi Klisto lokola Mobikisi mpe Nkolo na ye.

2. Mobali na Molimo akopesa nzela epai na Nzambe kokamba ye. Libota moko moko esengi tata oyo azali kozua mayele moi na moi uta na Nzambe. Mwasi mpe azali na bosenga na mobali oyo akozua mayele epai na Nzamokolo na mokolo. Soko libota na mobali yango ezali kososola ete mobali azali kobila mokano na Nzambe, bakoboya toli na ye te, kasi bakoyamba mateyo na ye mwa noki.

Ata bongo, esengi mpe ete mobali akotisa mwasi mpe bana na ye kati na likambo oyo na koluka mokano na Nzambe. Mbala mosusu, ngai moko, mpe bana na ngai, tokoyangana esika moko mpo na kobondela, kotuna Nzambe mpo na mokano na Ye. Ezali kopesa esengo

mingi koluka mokano na Nzambe na motindo oyo.

3. Mobali na Molimo akobatela "Ntango na Kimia", mokolo na mokolo, mpo na ye moko. Tata akoki koyebisa bana na ye ete ekoki na bango kotanga Biblia mpe kobondela. Kasi, soko tata alingi ete bana batosa toli yango, ekoki na ye, tata, kosala bongo, ye moko. Bana bakotala ete Biblia mpe libondeli izali kosunga tata na bango, mpe bakosepela kobila ndakisa na tata.

4. Mobali na Molimo akososola bosenga na molimo na libota na ye. Ye akondima koyoka mwasi mpe bana na na ye. Azali kososola oyo ezali kati na makanisi na bango.

Mobali akoyekola kososola bato na libota na ye soko afungoli makanisi mpe motema na ye epai na bango. Yesu akosunga ye kososola bango.

3

5. Mobali na Molimo akolukaka epoposa mpo na kosunga bamosusu. Ye akoluka nzela na liboso kosunga libota na ye. Ngai nasosolaki oyo noki te. Nakanisaki ete ekokaki na libota na ngai kosalisa ngai, mpo ete nazalaki mobali mpe tata mpe molakisi. Wana esosolaki ngai ete lotomo na ngai ezalaki kosalisa libota na ngai, bomoi na ngai mobimba ebandaki kokesena mpe kobonga.

Mbala mosusu, okosunga na makambo mike. Okosala nini soko mwana na yo atuni yo kosunga ye koyekola mosala na ye mpo na kelasi? Ekoki na yo kosepela komeka kosunga ye, ata oyekoli mingi te. Soko osungi ye, akososola ete olingi ye.

6. Mobali na Molimo akomipesa epai na bamosusu. Ye akomikanisa te. Azali na mposa komipesa epai na bamosusu, ata bakozongisa ye eloko te.

4

Esengo na kopesa ekopusa ye komipesa epai na libota na ye solo.

Uta na bomwana na bana na ngai, nameki kozua nzela mpo na kosolola elongo na bango mpe kobondela elongo na bango liboso na kolala na butu. Ata bana na ngai bakómi bilenge sikawa, totikali kosololana butu na butu, Mbala mosusu kosolana na biso ezali kouwela mwa ntango molai.

Nasepeli mingi kozala elongo na bana na ngai na saa na kolala na bango. Mbala mosusu bakoyebisa ngai mpo mosusu oyo bakokaki koyebisa ngai liboso te mpo ete misala na moi mikangaki biso.

Ekoki na tata komipesa epai na libota na ye, kasi ekoki ete akabela bamosusu kondima na ye lokola. Yango ekomonisa ete alingi bato. Ekomonisa libota na ye mpe ete Nzambe akosala

5

mosala na nzela na baoyo balingi kosalela Ye.

Mpo na misala mpe maloba na ye, mobali na Molimo akolakisa bana na ye kopesaka epai na Nzambe, kokabela Nzambe ndambo na mapamboli ezali bango kozua mokolo na mokolo. Lakisa bango ete ozali kopesa te bobele kokokisa toli na Lingomba, nde ete ozali kopesa makabo mpo ete olingi Nzambe mpe olingi kotosa Liloba na Ye.

Kopesa makabo ezali likambo mpo na libota mobimba. Soko bino yonso bososoli ete bosenga ezali, mpe bobondeli Nzambe kokokisa bosenga yango, bana bakosepela kopesa. Soko olakisi bango malamumu, bana bakobosana toli na yo te mpo na bomoi na bango mobimba. Mpe elakiseli yango ekosunga bango kobebisa mbongo na bango te.

6

7. Mobali na Molimo akoyina makambo yonso makoki kobebisa libota na ye. Akopekisa bana na ye kokenda bipai mosusu mpe kotala makambo mosusu oyo makosunga bango te. Akondima te ete batanga buku mabe. Akopesa bango nzela te kosolola na makambo na mbindo, to kosekaseka bato. Soko apekisi bango te na makambo yango, azali kopekisa bana na ye kokola na makambo na Nzambe. Soko ye akobatela libota na ye te, libota na ye ekobeba.

Mbala mosusu, bato bakoloba ete mobali na Molimo azali makasi koluta, kasi tata yango akopamela bato na ndako na ye na bolingo. Akosunga bana kotika makanisi mpe misala oyo ikobebisa kimia na ndako na bango. Ye azali polisi te, kasi azali tata oyo alingi libota na ye, mpe azali koluka nzela mpo na kobongisa yango.

7

Soko ozali komiloba ete, "Moto te akoki kokokisa makambo yango yonso!" Ezali solo. Moto te azali sembo ntango yonso, kasi tolemba te. Tokenda na liboso na nguya na Molimo Mosanto. Tozala na mposa kobila motindo na Klisto. Soko okobeleva na Nzambe mokolo na mokolo, Ye akotalisa yo polele oyo ekoki na yo kosala mokolo yango, ete ozala mobali na solo mpe ete okamba libota na yo na motindo ekosepelisa Nzambe.

8

KOBOKOLA BANA

Pasteur Henry Griffith
CECU Gemena

9

KOBOKOLA BANA

A. Liloba na Nzambe elakisi biso boni na ntina na bana?

1. Nzambe alingi bana mingi; bazali na ntina monene na miso na Ye.

"Yesu alobi ete, Botika bana mike, bopekisa bango te ete baya epai na ngai. Zambi Bokonzi na Likolo ezali na bango."
Matai 19:14

2. Bana bazali makabo na Nzambe epai na biso baboti.

"Yosefe alobelaki tata na ye ete, Bazali bana babali na ngai baoyo Nzambe apesi ngai."
Genese 48:9

(Tanga Genese 33:5 lokola.)

10

3. Bana bakoki kopesa biso baboti esengo mingi.

"Bana na bana bazali bisengo na bampaka, nkembo na bana ezali tata na bango."

Masese 17:6

(Tanga Nzembo 127:4,5 lokola.)

4. Bana bakoki kopesa biso baboti mawa mingi lokola.

"Bana na Eli bazalaki bana mpamba, bayebaki Yawe te...Lisumu na bilenge ezalaki monene mingi na miso na Yawe mpo ete batiolaki mbeka na Yawe."

1 Samwele 2:12,17

- B. Nzambe alingi ete bana basala nini?

1. Alingi ete bayeba Ye.

"Yaka bino bana, yokamela ngai, nakoteya bino nsomo na Yawe."

Nzembo 34:11

(Tanga Mosakoli 12:1 lokola.)

2. Alingi ete batambola malamu na mayele na Ye.

Mwana na mayele akosepelisa tata, nde mwana na zoba azali na bozito epai na mama na ye."

Masese 10:1

3. Alingi ete batosa biso baboti na bango.

"Bino bana, botosaka baboti na bino kati na Nkolo zambi yango ezali sembo." Baefese 6:1
(Tanga Bakolose 3:20 lokola.)

4. Alingi ete bakumisa biso baboti na bango.